

Takanaweyimikocik iyiniwak ká kitimahicik wakohtowinihk

Kita kanaweyimihcik awasisak eka kita kitimahicik.

E-isi wiyastaniwik

Kikway anima kanawéyimikowin?

Oma isíhčikewin kika wicihikon mína ki-cawásimisak eká kit' áástasicik ispi áyimanohk ayáyeko. Kika wíhtamákon tánite kitetohteyan, ekwa kikway kita tahkonaman kíspin totamokawiyani kita nakatamek kikiwáw kita tapasíyek e-kisiwipayit ki-wíkímákan.

Tánispi kénitawéyihaman kanawéyimikowin?

- a) Kíspin kikitimahikawin kikiwáhk.
- Ispi kisiwak ohci kikiwahk kitimahitowin ayáw, nawac kita waweyistaman kiya mína awasisak tasipwetahacik ispi é-ati-notiniket awiyak.
- b) Kíspin kíkí nakatáw ana ká kitimahisk kikiwáhk.
- Kíspin ki-kiwahk kit-ayan áhpo etikwe ki-wíkímákan kita takohtew ekwa kika sekíhik áhpo kika pakamahok. Kiyám áta é-itasowátiht eká kitape kiwet. Namoya kecináhopakan.
 - Kíspin kinakaten kikiw kikiwimakan kika natonák, ekwa kika pakamahok.

É-áso kitimahitohk (ekwa é-itasowátamihk kit'esi kanawéyimikohk)

Ayimisiwin kitimahiwew ká wáhkotohk ekwa ati asowipayiw. Ispi é-notiniht awiyak ati ásteyecikátew. Ita okitimahiwew é-kiskeyihtahk ká totahk ana ká notiniket ekwa mihtátam. Ata ka wikihtocik kakwe minwastáwak é-kakwe miyowícetocik áhkítáp kakiyaw kikway emiyowícetocik maka ásay mína ati mayiskotátowak. Ekota ekwa ati mayiskotátowak kítwám. **Ekota ekwa ati nawac kihtwam ispayiw kita notinitocik ayiwak.** Nawac kita kanaweyimisoyan

kiwikimakan ohci ekwa awasisak kita manacihacik ohpime tápitawi kitóóhcístawácik ohtawiwawa. (Ayamihtá ketastek *Asopayiw kitimahitowin.*)

E-itahtik kanaweyimikowin isihcikewin

Kanokiskisi oma isihcikewin pápitós kita totamihk itastew. Níkányihtákwan tánsi kitesi kanaweyimisohk eká kita pakamahokawiyán mína kicawásimisak.

1) Aswéyihta é-nókwahk ispi é-wi-notiniket kita ispayik kíyipa é-kiskwepét cí.

Táhto ká ayimicicik ayisíyiniwak páhpítós isi nokohtáwak é-wíkisiwasit ki-wíkímákan, Emoyeyihtamik ohi ká nokohtát é-wi kisiwásit. Kika wicihikon oma ekwa kita asweyítaman. Miywásin é-móyeyihaman ekosi ki-mamisiwátison.

É-naskwewasihtamihk ohi kakwecitowina kika wicihikon tánima kit 'a sawápahtaman.

- Tánisi tótam ki-wíkímákan áhpo tánisi esi ayamít mwáyes nataw tótam.
- Ekiskwepet cí wicihik kita notinisk?
- Kiskeyihtákwan cí ayáspís ká kisiwásit? Tánispi aspin ká nótinisk táyispík ke kisiwasi é-teyihaman?
- Kotakihk ohci cí kiskeyihten éwínotiniket, kita ohci kiskayihtamihk eká é-atosket, é-kiskawawasoyan ekwa eká é-osoniyámit ká kisiweyihahk ohci.

2) Kiskéyihta kikwáya ohci okitimahiwéw kita mayitotask.

- Kiskeyihta tánita páskisikana, mókomána mina kotaka nímáskwewin é-asteki.
- Kiskeyihta tanita eká ekostameyihtákwak eyaki kikwaya. Eká tasike paminwasokamikohk sekepayisikamikohk ekwa piskihcikamikohk.

3) Kíswéyihta tánta awásisak kitétohtécik mína kiya kita kasoyék.

Ahpo etikwe é-mayákamikisit ekota nawac ki-wítapimákan wíkihk ahpo kitotem wíkihk áhpo, kapesíwikamikohk. Ita kita kasoyek kiskeyihta awina wásakám kikihk é-ayát. Kíspin namoya kikinakaten kiwáskáhikan ihtakwan cí ita eká kita astásiyan. Wíhtamaw kiwítapimákanak é-ispayihikoyek ekwa kita tepwátáccik samákanisa kíspin petamwak é-notinikawiyán kiwaskahikanihk ohci e-pehtakik.

4) Kiswéyihta tánisi isi é-wí-itohtéyan ékoté.

Kikway ke ápacihtáyan ite kawi-itámoyan kita kásoyan. Kíspin sekepayis kit-ayawaw káta kotak apihtakahikan ekwa tápitawi kita sákaskinew pímiy, ahpo cí kotak awiyak kika wícihk kitetohteyan ite kekasoyan, ispi é-ispayik kita sipwehteyan mátayak kitotem kita kiskeyihtahk kita sipwetahisk. Ki-kanaweyihtamóháv kitotem soniyáwa ekosi taxi kika sipwetahksemák kíspin namwác kitosoniyámin samákanis áhpo ka kitimahimiht kápimipayihtáccik kika wícihikwak.

5) Kiséyihta tánisi kit'ési tapasíyan ki-kiwahk ohci ispi é-wí-pamahkawiyán.

Natona iskwátem áhpo wásenamáwin kita tapasíyan ohci, ekwa kíspin ki-cawásimisak kita kí-wayawiwak ekota ohci. Mayaw nakatamani kiwáskahikan kecinaho tanite kit-etohteyan. Matayak kiskeyihta tánta ohci kita ayamíyan. Ákihtason kiskeyihta kita tepwatat otatoskew samákanis, otatoskewak ká wícihacik anihi ká wawányihtamíyit. Áhpo ki-nataweyihte (i.ita ká kanaweyimihcik ká tapasícik, samákanis ekwa ká wícihácik otapasiwa.).

6) Kiséyihta kikway ká wi-sipwetatáyan.

Ekáya pitama sipwehtatá ki-kiskacikana kispin ki-makweyimon mína ki-cawásimisak eká nakacipahik. Kíspin kiya ki-mákweyimon itáp ká penátawak mayaw é-tawipayak asici samákanis kika wícewáv kíspin ekosi kit-iteyihten.

MWAYES PE KIWEYAN KECINÁHOW PITAMA MAHTI KIT' ÁPIT KAKITIMAHISK ÁHPO AWIYAK KIKA WÍCEWÁW KISPIN NAMOYA KI-KECINÁHON.

Kotaka wítamákwewina

- Kika-kátaw soniyas nántaw, áhapísís.
- Atastá ká kiskinawátasinahaman kámasinipehtik kita kehcináhoyan ki-masinahikewina eká kita wapahcikáteki.
- Kiskinohamaw ki-cawásimisak kit'si tepwátáccik samákanisa.

Kíspin namoya kitastásin, ohi ká wícihacikéki kitka nepemastán kita sipwetatáyan:

- Omasinahikaniwawa awasisak, ká kí-nihtáwíkihk akihtason wícihikowinihk ohci, ká pamihit sekepayis, tipahamatowi-masinahikan, miywáyáwin ohci masinahikanis, akisowin iskonikanihk masinahikanis
- Kátáwehk wáskahikan masinahikan áhpo ká awihiwak waskahikan ká masinahikátek, áhpo kámasinahikátek kikway é-tipeyihtaman ká kanaweyimikoyan
- Kámasinahikáteki wiyowina
- Masinahikewina, soniyaw kocipitiht, soniyaw masinahikan
- Ápihtakahikana kíkíhk ohci sekepayis ekwa itah asowaták kikway é-kanaweyihtamihk, (kíspin kitsyán ekotowihk)
- Tipiyawisíwina – kikiskacikana mína tomihkwehona
- Maskihkiya ká wísipwehtatáyekek awasisak ohci
- Nataweyihtakik – kikiskikana, mecawákanisa, ekwa maskihkiya, asíyának ahpo nonácikana

Eká wanikiskisi níkánheyihtákwán awásisak kita kanaweyimihcik.

7) Kíspin kwatakiháwak tépwás samakanis.

Kíspin namoya kitayán kita ohci sewepitamawat kiskeyihta tánite ke ayak peyak.

Ki-nohte kiskeyihten sewepitamaw:
Manitoba Justice
Victim Services Branch
1-866-484-2846

Pikwíte ohci ota askíhk kákitimahicik ohci sewepitamaw (**24 tipahipísimwán**)
1-877-977-0007